

四庫全書

集部

欽定四庫全書

集部
敬業堂詩集卷十九

詳校官左中允臣瑋五珠

助教臣常循覆勘

總校官庶吉士臣倉聖脉

校對官庶吉士臣吳裕德

謄錄監生臣徐彩

欽定四庫全書

敬業堂詩集卷十九

翰林院編修查慎行撰

敝裘集

起甲戌十一月
月終十二月

入都凡三度多在春夏之交未嘗從風雪中跨驢
也甲戌重陽後自金華歸里兩接愷功札促余北
行遂於長至前五日束裝一羊裘已十五年裘則
敝矣而行役尚不知止可嘆也

敝裘二首

中道誰能便棄捐，蒙茸雖敝省裝綿。
曾隨南北東西路，獨結冰霜雨雪緣。
布褐不妨為替代，綈袍何取受哀憐。
敢援齊相狐裘例，尚可隨身十五年。

冷暖相關老倍知，黑貂何必勝羊皮。
留同敝袴非無用，好比緇衣或改為。
取醉難償村店值，有人還當釣簑披。
家貧舊物無多在，不忍吹毛更索疵。

山塘與德尹別

歸何草草出匆匆聚散全非意料中長路一痕添日綫
是日征衣幾縫裂霜風未論去國經年別且喜停舟五
冬至夜同記取欲眠頻坐起半塘橋北虎丘東

家二瞻兄八十壽

我觀造化初無權仁者自壽其天全老翁小兒兩遊戲
直以渾沌還吾天不為物用而用物歎洩元氣成雲烟
古來絕藝兼者罕鍾王顧陸名各專輞川摩詰書未稱
三絕獨數滎陽虔眉山海嶽不復作松雪兩派猶相沿

先朝倪沈及文董筆力亦足追前賢吾兄妙手靡不備
書法入聖詩能仙偶然點染作圖畫別有天授非人傳
興來百紙一掃盡散去半落雞林船貴游踏破鐵門限
欲乞尺幅終無緣有時自銘退筆冢經歲或乏看囊錢
乃知此事因品重兄豈自負人云然維揚地薄耆舊少
流寓欲占文星躔今年九月屆大耋初度恰在重陽前
一門諸弟頭盡白

謂楷五秋
山兩兄

茱萸醉插隨兄肩羨兄晚

節比彭澤祝兄添丁如玉川兒年二十翁百歲及看舞

袖黃花邊

題從孫汝誠倚劔圖小影二首

櫛具橫腰首，裊巾天然秀。骨出風塵乃，翁已被從軍。誤

陽尊公
荆侯

勸爾休為佩犢人

羲獻門風世共推

汝誠為二
膽兄嫡姪孫

階庭蘭玉總多才，自言

劔術通書法，曾看公孫妙舞來。

發揚州留別汪庚齋

旅況殘年最不堪，何期邂逅作深談。向風嘶馬程程北

背雪飛鴻片片南殘燭乍移寒減半征帆欲挂酒行三
隋堤柳態禁搖落也傍汪倫百尺潭

夜宿邵埭

水柵千家市烟村十里橋蘆灘聲雪雪燈舫影搖搖風
止鷗機息寒深酒力消獨眠無好夢愁度最長宵

淮浦冬魚行

長淮冬涸成溝渠風雪夜折荒洲蘆小船沖沖鑿冰去
冰面躍出黃河魚衝寒捕魚作漁戶手足皸瘃無完膚

三時轉徙一冬復淵數偶寄蝸牛廬無田不得事農業
有水尚欲輸官租自從十年淮泗滿平地下受滔天湖
誰驅鱗介食人肉漏網幸脫鸞刀誅得時鼃鼃聚窟宅
失勢魴鯉充庖厨眼前竭澤有餘憾取快報復聊須臾
但看明年春水上魚鼈又占居民居

輓喬石林侍讀

本朝治水闕全局東下狂瀾勢難復先生獨以手障之
言卒施行身蚤逐徵車北去全家懼昇櫬南歸萬人哭

百年陰德被淮揚公在九原應瞑目

從孫恒侯自淮安送我渡河口占志別

吹斷西風雁一繩離情鄉思兩曹騰醉衝白日孤城霧
曉渡黃河十里冰去意隨蛇遮不住識塗如馬老偏能
未應輕別淮南路隻影從挑夜夜燈

逆旅行

用王半山
轉韻體

行人為客居人主聊以稱呼代爾汝入門不揖出不辭
主今知客却為誰等閒無事休為客幾個相逢尚相識

相逢相識非不多，賢於逆旅能幾何。

宿遷遇巡河使者

使者冬行水，居人歲避河。暫時停畚鍤，何計脫風波。賦
歛殘年急隄防，下策多皇華。期盡職報稱，意如何。

邳州道中雪

野濶黃河岸，天低下相城。幾家沙際沒，單騎雪中行。漸
壓輕裝重，俄添老眼明。路難兼歲晚，那免嘆孤征。

雪後風日晴暖

陰靈一夕解重圍頓覺朝來朔氣微得暖渾如杜康力
殺霜終是趙衰威細流飲馬知冰釋殘雪隨風作絮飛
至竟村翁勝行客茆檐晴晒木棉衣

夜至馬陵

苦霧噴沙氣若蒸荒程月黑夜無燈前岡十里黃茅路
野火光中見馬陵

滕縣

客從宿遷來日日灌莽裏今晨到滕縣孔道平如砥民

居稍稠密田野亦耨理疎樹排棗梨短樊插棘枳雞豚
飯商賈葱薤飽婦子居然似樂國以彼乃形此滕當戰
國時褊小五十里自從置郡邑其大實倍蓰縣令視諸
侯提封非昔比西南際蕭沛豁達開顧指回頭淮泗郊
窪若陷井底可憐百萬戶頗為蛟鱷徙山東地勢高厥
患不在水所期一尺雪二麥青可起

山左自四月
至今若旱

嶧山二首

秦岱分餘脈差堪比附庸祇因生下邑讓爾作奇峯

作俑何人始吾將罪李斯如今山上石多刻去思碑

滕鄒

之間丞尉以下
俱勒石頌德政

過兗州城外有感

泗水橋西路垂鞭去意遲老為東郡客才減少陵詩白
日黃塵暗孤城萬木悲遺民應已盡莫問亂離時

冒風過東平州暮投張秋鎮

沙旋頭疑眩聲喧耳欲聾不愁衝凍雨直怕遇狂風土
鏗煤烟黑爐灰豆火紅老妻加被絮今夜奏奇功

館陶早飯題壁

楊椿迷野岸棗刺拒城壕
小縣門常閉紆途僕告勞
半窗東日暖一飯北風饕
聊記吾曾到留詩過館陶

大風至鄭家口

黑雲奔騰西北來平地忽陷山
疑顛簸揚砂礫作糠粃
雜以萬斛葭蘆灰陽鳥退飛翅
摧折天狗下墮聲喧阗
千年樹拔虎豹窟四海水立蛟
螭堆我行到此迷失道
馬立歧路鳴徘徊意中了了識
村落目所未見終疑猜

夕陽乍吐鄭家口豁若明鏡函初開半年遊跡入醉夢

下馬更盡當風杯

四月十五夜奉陪徐座師於此地看月故結處及之

戲題旅壁畫龍

誰言尤物性難馴長養方成爪角鱗畫手不然爭貌得
可憐曾傍豢龍人

野氣詩

朝陽射北陸野氣何迷濛忽生無根雲幻作有影風
汙水波去暮暮村烟封千林皆動搖四顧為虛空我聞

氣升降閉塞方成冬而此從何來吹萬將毋同大哉古
今宙都攝一氣中鉅者運鯤鵬細或吹蠛蠓試從一身
論可以究始終恢恢賢聖途剛大秉降衷養之塞兩間
浩然靡不充若者為正氣仁義澤厥躬反是則為邪百
感交外攻五事協五行輕清秀所鍾不鑿渾沌竅自然
得玲瓏若者為清氣視明聽亦聰反是則為濁人心有
盲聾生氣眎初發萌芽葆芑蒙不敢輕散抒所以厚蘊
崇若乃礪笑刃傍開騁談鋒是名曰殺氣取快誰見容

朝氣爽且朗古鑑磨青銅不事察察明謙謙與人恭其
或長傲慢鴟張徒子雄是名曰暮氣衰至驕必叢凡此
機相關動與呼吸通不知野氣者其類當奚從或如葭
蘆灰候至應管筒或如古井水冬暖冰常融然而無附
著所向皆游蹤於人似客氣往來日憧憧熏面使顰黑
醉顏發狂紅移之入釜鬻饋餽侈然豐移之襲官骸咳
嚏歔靈霄又疑天壤內物理難終窮蒸沙詎成搏煮石
豈得鎔受性不受氣造化誰尸功不如且坐睡萬象歸

滕隴

趙北口坐冰床

古堤老柳一時僵
水腹初堅黑白洋
稍與長途休馬力
冒寒半日坐冰床

白溝旅宿感舊

南北勞勞已十霜
瓦橋關外又嚴裝
今宵新月入窗早
去日小鬟如我長
斑鬢重來無伴侶

甲子入都同錢玉友翁樹服已巳則

家次谷陳元之庚午春同姜西溟南歸
甲戌復偕翁康鉛輩北上皆宿此店

舊題幾字失偏

旁燕南酒美魚羹賤不解愁人獨憶鄉

立春日同愷功侍講作即用啟裘二首韻

土牛寒氣漸應捐猶戀征袍未拆綿東閣探梅還有信

西堂夢草獨無緣

憶德尹

春生

帝里如相就老傍侯門越可憐南去北來成底事暗消
髀肉是今年

逝水流光黯自知依然一室對烏皮冰將釋硯真吾幸
雪可搏獅任客為老柳受風終蕪約孤松經凍太離披

詩從鍊後鋒銚出正要旁人摘小疵

再疊前韻示愷功

半生習氣老來捐
慰貼終輸累鐵綿
待兔祇疑株可守
求魚方悔木難緣
偶然鴻爪留還去
果否蛾眉妬是憐
一種東風消不得
鬢邊霜雪又增年

海內人才畧可知也
曾高會與南皮三年刻楮將安用
一枝雕蟲壯不為
酒市天寒愁客散
書帷晝靜喜人披
與君相對春風裏
只有冰壺不掩疵

讀白奔山人詩和愷功三首

亭長臺邊一酒徒，仰天故作大聲呼。
氣驕星宿生芒角，手擘山川入陣圖。
急縛何人櫻怒虎，叢祠有鬼托妖狐。
眼空江表衣冠族，搖筆猶堪殺腐儒。

人謂狂生本不狂，漆身吞炭事何常。
亂餘賓客搜亡命，赦後英雄恥故鄉。
寶劍塵封三尺水，麻鞋寒踏九州霜。
隨身一掬瀾，翻淚不哭窮途哭戰場。

一卷頻浮大白開，卽論詩句亦雄才。
到天峭壁千尋立，

破浪長風萬里來，石火光中亡國恨。
鐵函井底後人猜，可憐芒碭無雲氣。
山色於今死若灰。

酒人集

起乙亥正月盡六月

甲戌偏臘抵都偕家聲，山儗居宣武門外。
與姜西溟惠研谿寓舍相望，自新年始約為詩酒之會。
吳中則唐實君、趙蒙泉、海陵則宮友鹿七人而已。
湯西厓、錢木菴、亮功兄弟時或一至，後益以翁康、鮑陳六謙、狄向濤、楊耑木稍為好事所傳。他有宴會。

牽率入座大約月必有集集必有詩聲非擊筑名
托酒人各有取爾也

西厓四十初度援筆為壽兩人交誼畧見於此
非祝嘏之詞也

甲子夏五月我初客燕山逢君槐樹街披豁示肺肝君
時二十九譽滿公卿間我長慙七年姓名尚泥蟠居然
荷兄事齒序非所安因緣求友生稍使徑路寬寧知遇
秋賦剛足同躡跚古寺郭西門頰虬柿垂丹霜天夜蕭

撼落葉堆空欄，男兒屬有才。九萬終鵬搏，向來輕薄子。
洗眼爭相看我時，仍失意寸進弓難彎。不敢怨窮途，借
君激頽頑。長恐命運薄，終身比劉歊。音桓皇天困斯人，日
月跳雙丸。丘壑閉雲霧，江湖駭驚湍。側聞夙昔遊，一一
趨金鑿。如君尤聳拔，刷羽超鷓鴣。落筆中書堂，集賢羣
聚觀。大官饌常賜，內府金頻頒。

至尊賞文辭，步接螭坳班。猶能念微賤，枉札來榛管。感
君期我深，暴棄難自擠。勸我舉京兆，送我赴春官。憐我

下第歸臨歧話悲酸誰當既得路枯苑仍相關長途冰
雪交鶴語今年寒還家席不暖又鞞衝風鞍人皆嗤此
來此來豈無端君年適四十正及叨杯杓君壯騰青雲
我衰改朱顏詩成非善頌聊記平生驩

元夕前三日飲惠研谿寓齋與錢玉友亮功分

韻

春寒半月透重綿曲巷層冰凍尚堅策蹇人尋行樂地
快晴天趁挂燈前侵陵白髮違歌酒惱亂朱門沸管絃

誰似閒官能愛客朝衣典去作新年

與陳六謙戶部話舊

二十年前兩酒人京華相見意尤親
田園暫返如孤客邸舍翻來作近隣
難就微名成我懶未除宿習取君真
狂言自駭家僮聽誰識忘形舊主賓

上元夜同唐實君趙蒙泉宮友鹿家聲山飲姜
西溟同年寓分韻得雨字

北風未解嚴刮面射強弩富兒馬足塵
游子衣上土我

有同年生一椽望衡宇每因赴讌會暫得命儔侶時節
近上元滿城競簫鼓公卿例召客僂指畧可數燭幌白
生虹燈屏紅窳堵空明大圓鏡爛漫散歌舞可憐玉川
居破屋用茅補荒庭一堆雪月色帶清苦也復呼其羣
經營同地主不辭口腹累為愛風義古酒行爵踰三穀
列簋倍五先生鄙肉食下箸輒欲吐如何點食單亦溷

烹魚釜

西溟性不嗜肉或誤食必以
清水灌盥而盤餐乃具此味

即此母已奢誰能

諒貧窶我窮興蕭索藉爾作豪舉推令既匝巡拇陣捲

風雨主人但旁觀，堅坐恣狎侮。肯為餅告罄，相勸力須
努。新詩信手成，險韻鬪虓虎。費君三月俸，醉我一夕許。
忽聞耳熱歌，寒律變溫煦。

王赤抒新葺一齋，名曰野航，邀余對酌，出詩索
和，即次原韻。

忘機到處總虛舟，別起齋名借楸頭。已是除塵得瀟洒，
若教臨水更清幽。雨三人可同君坐，五六年應為此留。
閒殺鷗邊好風景，荷塘宜夏蓼宜秋。

白田喬侍讀有家伶六郎以姿技稱己巳春

車駕南巡召至行在曾蒙

天賜自此益矜寵庚午四月余從京師南還訪侍讀於

縱棹園酒間識之有青衫憔悴無如我酒綠燈

紅奈爾何之句時東海徐尚書射陵宋舍人慈

谿姜西溟俱在座相與流連彌夕而散去冬北

上重經寶應則侍讀下世旅櫬甫歸余入而哭

之盡哀何暇問六郎蹤跡矣及至都下聞有管

郎者名擅梨園一時貴公子爭求識面花朝前
八日翁康飴戶部相招為歌酒之會忽於諸伶
中見之私語西厓曰此子何其酷似白田家伶
蓋余向未知六郎之姓也西厓既為余道其詳
竟酒為之不樂口占四絕句以示同席諸君

鬢影衣香四座傾風流爭賞米嘉榮就中獨有劉賓客
曾聽涼州意外聲

鴨桃花外小池臺潑艷舣船一棹開春色滿園人盡妬

君王前歲賜金來

一羣穠艷領花曹
頭白尚書興最豪
記得送春筵畔立
酒痕紅到鄭櫻桃

茶煙禪榻隔前塵
存歿相關一愴神
自琢新詞自我扇
教成歌舞為何人

題楊次也所藏朱北山墨繡球花

春風壓簾吹不動
簇蒂攢莖密無縫
美人纖手搓欲圓
嬌鳥一梢低更重
駢枝倒挂玉蕊仙
暖氣散作藍田煙

粉痕洗盡墨光出自有此花無此妍

花朝實君招同西溟蒙泉研谿西厓友鹿聲山
寓齋雅集分韻得過字青字

二月無花看今年雨雪多不辭官獨冷翻喜客頻過洒
掃門庭潔芟除禮法苛愛君新句好諷諭擬元和

客久頭垂白交深眼倍青坐銷愁裏日來聚酒邊星假
借通隣曲盤餐及使令春郊花事近後約更旗亭

題項霜田讀書秋樹根圖

讀書未必皆識字涉獵耳目為窮探此生枉伴蠹魚老
飽蝕卷帙寧非貪文成有韻或吞剝事出無據徒掩搨
熟從牙後拾王李纖入毛孔求鍾譚橐駝馬背所見少
自享敝帚矜著簪雷同不滿識者笑人盡能此燕無函
蘭茗翡翠稍秀異什伯畧可數二三時情祇取供近玩
崇雅刪鄭誰能諳我持此論衆大怪相戒勿聽無稽談
廿年硯田困衣食撥置夙好隨嬰媿排辭偶句受人役
渴飲墨汁同潘泔有時間作崖強語蓼辛荼苦終非甘

項生乃有嗜痴謬辱推許張顛顛謂余頗可附同調
與別白黑分青藍君才於世故無匹氣象外拓神中含
屢遊京洛結文社獨向魯國稱竒男空拳亦足搏犀兕
大鼎詎止容罌甌一鞭入海走巨石千丈倒壑回枯柵
逍遙鸞鶴控紫極活潑魴鯉遊澄潭才高氣盛心轉細
獨繭一一絲抽蠶問君此境豈易到確有階級難旁參
向來正得讀書力閉戶萬卷曾沈酣源流正變瞭指掌
北斗在北南箕南光開飛電十行下機發伏弩千鈞擔

搜竒抉險富詩料然後所向無矛鉞庭空樹老得秋早
霜色染葉黃於柑一編信手愛露坐何用白石藏書菴
命工作圖索題句劇壘相對吾奚堪遇君尚應三舍避
君愈降氣余彌慙詩成乞與摘紕繆蹇鈍猶冀隨驂驛
此間風景有何樂曷不歸去同書龕

料絲燈史畊巖學士屬和即次原韻四首

勿論萬縷與千絲似密還疎製絕竒玳瑁筵前凝作片
珊瑚網底爛生枝華堂金屋年年換錯綵粧花種種宜

表裏孤光原洞達
普騰醉眼任斜窺

宛宛長廊小院東
藕絲不斷望疑空
巧穿針孔玲瓏影
吹透冰肌綽約風
簾幙花深長帶霧
畫圖山淺忽生虹
琉璃太脆紗紋薄
獨愛韜光黯淡中

更從何處著纖塵
亞字文迴古錦茵
斜拂楊條藏語鳥
密牽若綫過游鱗
顏筋柳骨書家格
吳帶曹衣鏡裏身
併作清輝開四照
不勞明月吐芳津

駢枝儷葉枝同稱
點墨何愁誤不興
射角星芒殊睒睒

照人風骨自稜稜金波蕩月成方折玉氣生烟隔幾層

還與石湖添紀事詩家新賦料絲燈

范致能有上元吳中紀事長律所載

燈名甚多獨不及此品

友鹿寓居孫公園與實君蒙泉耑木同巷僕及
西溟聲山相距稍遠友鹿作比隣詩二章亦來
索和因次實君韻奉答

馬蹄纔過又車輪廣術相逢亦太頻不惜往來隨步履
預防倡和損精神過牆濁酒能供客鑿壁餘光尚借人

便與中央成鼎足，姜居西舍我東隣。

時余移寓琉璃廠東

造門不見等離居，俗例持牢急破除。

余兩詣友鹿俱阻于閣

僮約

一條申典謁客談，幾處省傳書卷連。畢曜宜相就，雨過蘇端肯見疎。添取新篇為日課，與君直似共鄉閭。

友鹿復次韻見寄，恐其有過，督司閣之意，再疊韻解之。二首

過門何止十朱輪，只有窮交不厭頻。語帶滑稽吾是戲，弊清摘發爾如神。犬應勿拒重來客，花亦爭窺舊識人。

從此得閒須徑造巷南巷北總芳隣

老屋西頭勝就居門前無草不須除未妨排闥來驚卧
且喜還執肯借書蹤跡漸同詩境熟形骸終要禮文疎
他時野老曾爭席記得漁樵狎里閭

盧樗菴七十壽詩

我愛盧仝居翛然數間屋先朝孝廉宅過者猶屬目再
傳世其家門徑不改築一經稟庭誥自教兒郎讀早年
赴舉場高步笑馳逐同濟重先輩子弟尊者宿正坐業

太精翻令身久伏科名人拾芥官爵鶯遷谷白髮迫衰
年青衫自初服神怡遜無悶學殖富有蓄紅扶壓架花
翠擁遮隣竹刻鳩拄杖頂放鶴前山足世自閑如蛙吾
方靜如鵠回看軒冕客萬事徒碌碌分定兩不爭生涯
籌已熟

送勞書升通政養親歸里

吾鄉前輩楊司馬曾脫朝衫換彩衣祖道回思十年事
都亭又見一人歸白雲去國情相似黃髮娛親古亦稀

不是明時輕解組五湖烟水屬春暉

豆腐詩和楊芝田宮坊四首

服食神仙事不難磴牀幾轉便還丹

世傳淮南以丹藥點成

凝來

石髓風猶嫩點出春酥露未乾倒篋易償隣叟值顧名
原合腐儒餐人間賣菜多求益休與先生溷一椽

蛙瘦熊肥兩不知太常終歲是齋期半椀土竈然其火
一頃山田種豆詩饕子貧家先染指厨娘纖手並凝脂

來其鄉味君休笑三德虞家有贊辭

事見虞伯生集

滑可流匙勝冷淘不爭舌在齒牙牢渾忘肉食聊名儉
偶佐村沽亦足豪烹雪也宜施翠釜割雲初不費銀刀
胡麻別試山僧法口腹窮奢笑老饕

茅店門前映綠楊一標多插酒旗旁行厨亦可吐嗟辦
下箸惟聞鹽豉香華屋金盤真俗物臘糟紅麩有新方
須知澹泊生涯在水乳交融味最長

問西厓病

小閣藤牀勸獨憑門前仍遣小僮磨一家多累愁何益

四海無醫感又增春酒呼兒看滌器夜碁留客對挑燈
可知七發真良藥莫謂先生病未能

戲題曹希文寫生蒲萄冊

東郭鹽咸陽冶朝入羊暮騎馬生不願封萬戶侯亦不
願領西涼州但願蒲萄垂乳比桑葢日日飽噉只學林
間鳩若使一官值五斗家家爭釀蒲萄酒枝頭無紙上

有誰能截取老僧手

圖為鑿上人
人所畫

再題朱北山所畫松鼠蒲萄

兒童把竹竿飛鼠未可逐暮四復朝三蒲萄秋正熟縱
使身輕化蝙蝠可憐兩翅仍兼肉枝頭漸空莫緣木明
朝去竊官倉粟

為次也題秋花小鳥畫卷

一株鴨脚葵色映紅黃紫雞冠似經鬪碎葉垂披靡無
端青螳螂失勢忽落此當其奮臂時寧料草間委饑禽
不汝貫集啄紛爪嘴似為蟬復仇反覆乃物理二蟲何
厚薄是亦可以已我欲解其圍毫端呼不起

研谿傳札訂望後出郊看杏花夜來微雨恐阻
茲遊晨起風日晴明喜而有作

卧聞檐雨滴堦鳴意外東風曉放晴為作報書貪早起
門前吹過賣花聲

送畢雨稼

古藤花底逢朱十為我長吟畢四詩滿眼酒徒星散盡

送君還憶識君時

余初識雨稼於
竹垞先生寓

三月十六日同西溟實君蒙泉研谿六謙而木

石城友鹿永年向濤霜田亮功次也南陔至興
勝寺看杏花三首

弄袖風微不起沙野田分路走三鷓十年失計仍為客
一醉無名特借花白塔似招遊子騎青旗錯認美人家
金丸落處休輕逐小立逡巡避鈿車

先經摩訶
卷不得入

幸是韶光處處同勝遊隨意轉芳叢別開香界松林外
遙指烟村杏社東黛色濃添三面綠日痕微減一分紅
只須十步凌丹閣多少花頭在下風

及記當時載酒遊，舊題幾壁拂塵留。重隨客到僧猶識，
不待人言我欲愁。牧笛聲中芳草路，鞭絲影裏夕陽樓。
花開花謝年年事，豈料傷春易白頭。

看花之會已成七律三章，朝來耑木分牋屬賦。
七言歌行再作一首。

朝陽簷前報乾鵲，起赴城西看花約。東家借得蹇驢騎，
快比揚州身跨鶴。豁然雙眼對明鏡，草樹無塵光躍躍。
倚牆初見一梢紅，掩映垂楊作村落。漸行漸遠入佳境，

花海茫茫浸樓閣雲晴霧散天微霞日色烟光互迴礴
自然得氣少人妬縱使餘寒何處著卯酒消來玉頰鮮
牙香熏透春衣薄蝶沾蕊粉或雙去燕拂花鬚時一掠
乍看半吐或全開百面疑聞腰鼓作因思前夜沾沙雨
特為催花龍起壑不然萬本及千株那得同時齊破萼
此花舊是仙家種肯向人間傍簾箔自從禁苑植樊籬
已勅居僧司鎖鑰

寺後為進
御菓園

兒郎避路敵巾帽嬌女窺

隣少媒妁可憐寂寂寄空園也似飄飄客京洛憶昨初

來年尚壯歡場往往貪酬酢松林古寺摩訶菴幾度陪

遊履相錯

乙丑丙寅間屢隨大司空
朱公少司馬楊公遊此

侍郎歸老尚書歿

前輩風流久寥廓我留紫陌十經春白髮隨梳旋隕籜

去年三月曲江宴橫路紛紛爭出郭此時瑁璫更思鄉

未免當春懷抱惡豈如今年風日佳得喪心空別開鑿

青袍莫漫感憔悴紅袖羞堪慰淪泊楊家公子好心事

兩世交情宛如昨已逢勝侶盡名流況是閒官能脫畧

雖云雅集忘賓主治具終煩佐脾臄

是日嵩
木治具

花前醉倒

十五人坐有車公寧不樂歸來忽忽記前夢後會悠悠
付成諾禪房借榻眠海棠野圃穿畦行芍藥勿嫌生活
太冷澹竿木逢場聊戲劇只愁火急促新詩顏謝方將
被陵轢尋花本意取陶寫覓句翻教困悉索直須境過
兩相忘滿紙陳言總糟粕

狄向濤庶常訂同人會飲海棠院是日僕適有
他招別請卜期研谿以詩相惱戲答之

一春命侶原多暇半日看花奈少緣我為顏唐姑避席

讓君獨作海棠顛

出劍南集

三月晦日向濤治具招同西溟實君文饒研谿

六謙耑木霜田亮功次也南陔岱瞻宗岱社飲

寄園向未與會而今至者則胡芝山周漁璜張

天門陳堯愷姚君山玉階兄弟

客居感節物鄉味想櫻笋及此問名園忽驚春向盡歇

鞍垂柳外曲徑紆徐引側帽入丰茸迴身轉欄楯羣賢

次第到虛坐前後盡

出曲禮讀上聲俗作儘

衆芳如媚客四顧少

蛙吟丁香垂紛披藤蔓縮菌蠢海棠不少待吹作胭脂
粉那無水一池鼓吹出蛙黽似嫌太寂寂作意破寒窘
鯨波捲百川目眩空花隕亭臺亂金碧有若浮海蜃日
飲正無何老狂良足憫唐侯但坐視出語顧見哂

余與天門

亮功闢酒盡酣實君
有老馬入駒羣之戲

幸無性命憂何用須臾忍春衣行

且換紅藥期將近三百青銅錢敝裘尚可準

陸澹成侍讀招飲丁香花下同西溟崑繩寄亭

作

花繁葉密暗迴廊為放庭空特撤墻翠幕雲遮天四角
紅燈人醉樹中央春辭小院離離影夜受輕衫漠漠香
曾是往年連榻地重來容易感流光

丁卯巳巳間與家
荊州兄盤桓此地

最久故
及之

何倬雲戶部招諸同人飲藤花下

前日飲寄園自辰徑終酉連朝發酒病解醉仍思酒一
笑赴佳招相逢復開口入門庭宇曠槐蔭寬半畝高格
架藤花有若魚貫柳其梢多倒垂其蔓必上走蛟螭起

挈攬纓絡飄絲綰翻愛急雨來不嫌濡我首殷勤得賢
主諧謔因良友衣上指唾痕花前傷老醜人間好亭館
豈必皆已有但願興到時深杯長在手

四月八日飲劉雨峰新寓分韻得佳字

十年論舊雨一日破清齋

俗傳浴佛日

去覺流光速來貪小

住佳

時出乙丑燕集詩卷見示

槐陰深小巷花氣近斜街早晚南船

到重看酒似淮

題張浦畫太白像

芒角生酒星仙才謫人世清平三絕調醉裏一噴嚏可
憐高將軍不中作僕隸脫却夜來鞞飄然從此逝

題張儀山中丞溫陵紀事後

見說溫陵事安危繫一時潮頭開郡縣虎口奪嬰兒報
國原臣分封侯豈數竒置身如事外不勒紀功碑

贈范方仲

秋兔千頭瘞禿毫鋒藏鐔斂似無刀費他京國三年住
頑石如山價盡高

為翁景文題畫

綠蕉葉折風無賴
紅蓼花垂雨不情
一個草蟲鳴似訴
故來紙上作秋聲

宣德素鼎歌為山左李繩其作

西方金苗變黃白
躍冶辰砂歛成赤
神工范出形製奇
不用雷紋鑿鑿餐
腹圓口直中央斂
一綫縈腰起凹凸
其高四寸下半之
其厚三分旁稍溢
以衡測重斤踰二

宣德小爐重者
不過二斤四兩

以指量圍弓滿的
寶光蒸出耳雙環
濃

乳垂為足三隻膏流似覺層波涌肌潤何愁熾炭炙瓊
瑰碾紫柔作團鞣鞞凝紅嫩將滴照來妖鬼敢逃影吹
過雲烟不留跡神光離合乍陰陽氣候盈虛異晨夕世
人好古搜彞敦耳目遺忘闕金石此鼎傳從宣德年居
然上與商周匹國家元氣在宇宙百鍊千鎔聚精液後
宮侍女罷添香講殿中宵尚前席曾從天上拂袍回一
落人間似淪謫忽經吾眼真可憐尤物無多增戀惜君
不見城南片雨朝來急電掣金蛇飛霹靂玉川破屋那

許留萬丈光芒穿四壁

翁康飴寓齋看芍藥分韻得面字

都城洵繁華物色互矜銜豐臺紅芍藥千畝開芳甸嗟
爾本名花因多乃致賤半開遭天闕不許遊人看却被
賣菜傭頃筐雜藜莧根株兩相失本性須臾變相逢衢
陌中識者為一泣翁生官戶部邸舍如郵傳近移槐樹
街意取買花便連車載蕪土愛護同婉孌小雨為扶頭
清泉與磧面瓦盆三十六手自摩挲徧亞臆斑竹欄步

障青油絹花如感知遇爛漫答深眷其大比盤盂或歌
學團扇高低隨所主向背視所戀負恃各爭妍誰能分
最殿豈無一尊酒就汝諧終宴未免為紅筵經營好看
纂書生例貪嗇耳目有歆羨學道吾未能紛華易交戰
有情且相對即事驚稀見絕勝洛陽園花時閉深院

送趙二聞郎中分巡兗東二首

望郎才地早知名祭戰新臨古任城負弩三州迎刺史
降階一揖禮諸生山連翠岱雲常潤濟入黃流派獨清

我是南池舊遊客送君不覺動吟情

君家邸第好園林槐柳周遭十畝陰子舍縱牽他夜夢
宦遊何負老人心共傳清節胡威絹自有家風趙抃琴
此去國門看擁傳拾遺親授大官箴

送鄭禹梅郎中出守高州三首末章兼示茂名

宰王令詒

高涼名宦自來無君到方能重此區不信試徵唐宋事
潮州韓與惠州蘇

八十高堂兩白頭扶攜齊赴上龍舟荔枝龍眼均珍膳

不要同官易播州

時范國雯得
延平故及之

曾依日影候花甌此去人情似左遷猶勝茂名王大尹

脚靴手版謁同年

王與鄭皆戊辰進士
而茂名為高州屬邑

送陳梅溪之任階州二首

一家鼎盛十朱輪仕籍君偏比積薪早歲科名曾入洛

半生官況兩遊秦

陳前任綏
德州牧

時平不設當關戍路僻稀

逢入蜀人鄧艾城邊閒草木也教窮谷識陽春

一官聊與俗沈浮不改頭銜計亦優稍喜分符同領郡
敢論無蟹有監州重闕夜度羣雞月絕塞書來斷雁秋
多少郎潛愁索米羨君已似跨青牛

古詩五章呈吉水大司空李公

盛治際中天六卿盡文獻發揮為事業器量隨所建公
雖長冬官其氣實涵萬放之彌宇宙舒卷視膚寸道在
本非夸逢時獲初願

百川日東注赴海同一門豁達意何廣函容道彌尊乃

知延攬塗中有仁義存清濁具本性澄觀得其源君看
下成蹊桃李初不言

西江一瓣香自昔人文區歐公門下客磊落皆名儒千
秋復代興隻輪賴公扶官高能下士此義今人無

空谷有幽蘭披披自含芳一朝采而佩顧盼滋容光顧
盼何足多貴登君子堂識者或見賞當門忌孤芳向非
特達知標榜慙互相

男兒感恩地茲事豈可常不敢泣窮途恐為知己傷拙

守無詭遇異營戒歧旁百年屬有身利鈍誰能量於公
負期許脈脈終難忘

次也讀書王園夏日偶過之索詩題壁

地僻人聲覺林深曉氣通棗花開帶刺藤角墮蕪蟲擊
析過佳客傳餐累小僮避炎知有處來就北牕風

虞山嚴杏修為尊人仲甫先生乞六十壽詩并
以錢湘靈玉友亮功所賦五七言長篇見示故
詩中並及之

吳中數交遊屈指首常熟錢生十年舊直以心置腹因
之筮同人京洛異徵逐初逢嚴伯子氣靜神沖穆涯涘
未易尋徐徐視含稿名駒果有自孺染出家塾子有兩
老親算旬並踰六昨歸為上壽再出何太速所傷名未
成負米營斗斛此來復相見執手語反覆為言屏幃詞
排偶難破俗人間好官爵祇用填滿幅不敢濫乞言所
以省干瀆君詩有真味是則我所欲出示三長篇得隴
且兼蜀孝廉筆竒矯榦老枝葉禿交情敘三世中有滄

桑錄大錢善形容繪畫列眉目小錢騁才氣汎濫到朝
局已無餘地留故乃相迫促吾詩何處著譬若蛇添足
然而難固辭即事生感觸江南氏族盛甲第紛相屬寧
知一再傳竟為他人卜君家好門閥墻宇本先築豈非

文靖公清蔭及喬木

仲甫為相國
文靖公曾孫

當時歸逮養歲給大

官祿人生惟此難餘者徒鹿鹿即今時代換往事如轉
轂正賴後人賢流風承式穀先生實高隱祭酒推鄉曲
雖荒下澗田尚保檀橋屋時情有豪奪世守無輕鬻冬

缸封可熟秋圃棗堪剝窺池荷夏紅掃徑莎春綠平生
十萬卷又課諸孫讀同牢四十年尚享齊眉福子行及
歸奉此樂天倫獨古人重名義飲水兼啜菽斯言倘足
徵庶當嘏辭祝

酬同年張聲百秦中見懷之作

舉子稱同年厥名自唐始其初本鄉貢往往維桑梓地
近情易親論年序以齒師門就行列有若一父子名雖
托友朋骨肉差相擬至於試京兆半屬九州士或者徇

虛聲紅箋報名紙泛交乍隨俗相背旋棄屣刺盾動以
矛憑身孰如几余生久落魄場屋困別趾初度降惟寅
微名歲在癸秋蛾眉換綠看鏡抱深恥得附當代賢不
才聊自喜君家好兄弟今兄逸峯亦同榜健翮沖天起竇桂有
雙枝田荆必連理京華獲交臂伐木酒親醜古道朗照
顏相期各劇壘嚴霜妬竹柏猛雨欺桃李散作湖海萍
流行隨坎止省親君就道落第我歸里闕城杳何窮秦
樹吳雲裏何期再入洛冰面躍雙鯉寄示長歌行光芒

開顧指聳身登二華長劔插天倚黃河如修蛇起伏見
首尾自然得竒句萬象聽驅使我欲從之游塵埃誰料
理矧慙詩力弱難與諧宮徵遲答故人書半年坐嬾耳

以詩乞王麓臺給諫畫山水

婁東富文獻世守鄴侯架太原老奉嘗腕底斡造化當
年書畫蹟貴豈文董亞至今賢子孫餘韻足瀟洒黃門
蚤登第羣從俱方駕朱紫接烏衣丹青陋曹霸朝廷無
闕失邸舍多清暇坐令拾遺官風流資醞藉時時出餘

技落筆妙天下屏幃滿京華林泉不吾借篋中一幅紙
欲乞防見詫生平山水緣無厚入有罅搜竒得餘快歷
險慣不怕所媿言少文烟雲經眼乍如何不自量見彈
求鴉炙意從良友申閒請掖垣假朝來傳好語命以詩
易畫余以宣德紙從吳元朗轉乞君畫君語元朗是不可無夏重詩詩來則畫往矣我詩頗拙
速敢託不敏謝古人重踐言相值寧論價君其勿堅壁
致我長避舍

附
次韻

王原祁

龍山查先生峭壁青松架讀書百鍾鍊等身與古化
清健更瑰竒韓蘇之流亞興來爛漫題珠玉繽紛灑
余聞心折久畏友敢並駕霧豹窺一斑騷壇戰而霸
欲為訪戴遊一官苦無暇坐令鄙吝生他山何所藉
小技試盤礴每恥居人下粉本追宋元筆墨四家借
腕弱媿癡肥定為識者詫壁被窺月魄餘光逗壁罅
慘澹心神疲甘苦方知怕開闔變化間微茫得失乍
始覺吾祖高至令人膾炙拙筆非許田奚為拱壁假

真宰雖難搜勉力為君畫木瓜配瓊瑤何以云報謝
荒率懼覆瓿賴公以長價紈扇懷袖中秋風棄上舍
次日麓臺為余作巨然山水并次昨韻見酬再

疊韻奉謝

玳瑁裝書籤珊瑚供筆架我無二者樂宿習故難化新
詩出寒窘郊島或流亞一窺著作堂顏汗豈勝灑千金
享敝帚蹇足追高駕何異貧家兒蓬頭媿王霸方當苦
酬應供給日不暇先生地望懸乞者無憑藉十年率未

應惜墨肯輕下始知高人胸與俗少假借於余獨不靳
脫手洵竒詫用意取巨然危峯折天罅趁人何突兀旁
睨心膽怕細觀入秋毫恍若置身乍漁灣舟可檣樵徑
穀可炙勢成風雨晨不待休沐假猶嫌尺幅短更以詩
補畫人間有真境躡屐當追謝但恨多牛翁青山索高
價菟裘營已晚惆悵道旁舍

王服尹見和乞畫詩三疊前韻奉答

米家書畫船秋陰傍藤架為君下一榻四壁烟雲化

尹服

時下榻麓
臺齋中

京洛少名園精廬乃其亞可無一斗墨興到
供揮灑君才況如江袞袞高浪駕偏師壓小敵勢欲戰
而霸篇終味深穩語妙神閒暇平生績學功授受有承
藉淵源大可溯派自震川下幸生君子鄉師友不外借
何當謬引重恐被識者詫昨日乞畫詩細聲風出罅蒲
牢懸我前欲扣吁可怕強顏托夙契結襪交非乍憶昔
隔牆居林漓濡酒炙

巳巳寓居上斜街與孫愷似
編修近隔一垣長從服尹飲

六年

一醉夢歲月不我假青山憔悴容此景豈堪畫君歸約

髯孫吾亦偕小謝

來詩及家德尹

披圖賦招隱尚可長詩價忍

負好溪山挑燈向客舍

計閻昭索題看菊圖

勸君莫種菊種菊須澆灌本自隔年培根從立夏判苗
新虞蠹蝕葉密防雨爛三時倘失勤那博一秋玩不如
走廟市取辦在一旦捧土上瓦盆妍媸誰復辨十年客
都邑萬事皆眼見披君看菊圖使我發長嘆

題曹渭符舍人畫扇

移得城南魚藻池，便從紙上寫淪漪。
畫師正恐妨魚樂，不著飛來雙鷺鷥。

費子葛陂屬題小影

費生客京華，氣帶秋山爽。
學詩兼學畫，離俗寄幽賞。
識君塵埃中，十載一俛仰。
羨君烟霞姿，瀟灑不殊曩。
虎頭為寫照，見者皆拊掌。
秋根走雜樹，中有落葉響。
可無松亭亭，配汝玉朗朗。
勞生輪下坂，歲月成鹵莽。
誰知靜坐人，一日可當兩。

題趙天羽給諫小照

長身七尺紅兩顴成佛要在靈運先兩塵相隔一毫末
中被官事相糾纏豈知生來具慧業即現宰官為說法
一林紫竹是禪機只在眼前誰見曉

送同門朱介垣掌科請假還吳

燈簾夜看秋菊花酒徒爛醉東西家竹垞去官君請急
近社花開少顏色明朝我亦作歸人二老猶堪結比隣
扁舟同訪籬邊屋及取霜前香稻熟

希文將南歸次淵明田居詩韻來索和章四首

故鄉去我遠縹渺三神山風塵一涉足忽忽傷徂年曹
生靜者流心若珠在淵不使閒草木萌芽荒寸田如何
瀟灑姿亦復趨人間一官比薪積後至爭居前坐看車
馬衢羣情動如烟秋風夜入戶曉鏡增華顛身先候雁
翔心與浮雲閒歸期服勇決臨別翻欣然

老馬悔識塗亞身受羈鞅時因送人處一發田園想田
園近荒無計拙迷孤往家書昨日到久雨蓬藿長八口

恒告饑憂來難自廣生涯事游惰獲報宜鹵莽

萬人浩如海酒伴日以稀曹生後我來今復先我歸家
人占喜鵲不寄秋來衣因之報歸信歲晚寧相違

讀書三十年如農守阡陌出門視蒼莽感感靡所適君
看人背郎朝發不待夕時來誇際會抵間快投隙得官
如驅羊舊給廝養役課奴力耘耔課婢勤紡績識時乃
豪俊章句工何益

敬業堂詩集卷十九

欽定四庫全書

集部

敬業堂詩集卷二十一

詳校官在中允_臣瑋五珠

助教_臣常循覆勘

總校官庶吉士_臣倉聖脉

校對官庶吉士_臣吳裕德

謄錄監生_臣徐彩

欽定四庫全書

敬業堂詩集卷二十

翰林院編修查慎行撰

遊梁集

起乙亥七月
盡十二月

中州名勝之區也同學許霜巖謁選得陳留宰邀
余偕行涉滹沱循太行東麓歷趙衛梁宋之郊按
程計之古蹟不少資其車騎供我吟眺亦足以豪
矣

將有中州之行七月七日姜西溟唐實君趙文
饒惠研谿楊耑木宮友鹿項霜田錢亮功湯西
厓馮文子楊次也陳元之家聲山餞飲於陳六
謙邸舍席間酬別

屋簷秋網拂蠨蛸弦月如弓挂一消剪燭談深宜夕館
看花人散憶春郊窮無好句供傳寫老不中書代解嘲

實君見送詩有舍人
官職是虛名之句

來本無名歸亦得只愁飲餞累貧

交

出都晚宿寶店戲示許大令霜巖

又是南程發軔初我今戴笠爾乘車衝泥早歇林間馬
積潦秋生戶外魚十度棘闈憐報罷一官花縣喜新除
屠龍妙手牛刀割餘技猶堪理簿書

涿州過渡

胡良河陰青葱柳督亢陂連宛轉城但覺林中無暑氣
不知風外有蟬聲喚迴塵夢秋初到誤墮吟鞭馬一驚
自笑年來詩境熟每從熟處欲求生

上谷城南旅宿見可亭姪題壁

客路逢連雨，秋原洗鬱蒸。
人投曾宿店，鼠瞰未吹燈。
一榻夜涼入，二更殘月升。
忽看題壁在，為爾掃秋蠅。

早過慶都

棗林槐埂翠糝糊，十里烟光接慶都。
堯母陵荒秋草徧，戴嵩新畫牧牛圖。

定州口號

劃花小盃愛初燒，秘色傳來閱四朝。
莫打磁鎗輕試玉。

人間方貴定州窻

新樂有感

客路匆匆過定州
鮮虞臺下小遲留
輿圖西漢中山國
恩澤先朝外戚侯
支棗詩成歌樂土
種瓜人去感新疇
眼前風物全非昔
細草鳴駝一段秋

晚渡滹沱

涼風蕭蕭響白荻
老鶴啣魚作人立
小船爭渡晚尤喧
濁浪兼泥秋更急
中流仰看團團天
太行突兀當我前

未知馬首向何處千里夕陽橫紫烟

麥飯亭

蒼皇那免嘆途窮大業幾隳小衄中名號未尊誰是賊
英雄有識獨從公兩河子弟收星散一飯君臣見始終
值得將軍依大樹不勞上殿更爭功

鉅鹿道中

要害畿南在必爭時危往往屢稱兵居人不重侯芭里
過客猶尋石勒城雲挾常山蛇尾動地連汾晉犬牙成

如今不用論形勝，秣黍秋郊一望平。

豫讓橋

首四句姜西溟舊作也
辭意未盡為足成之

趙入宮臣廁中，趙乘馬巨橋下。區區欲報國士知，可憐一死何能為。君不見博浪一椎，雖不中置身事外非無用。

邯鄲縣呂翁祠

幻妄浮生豈有涯，何妨鼠穴駕牛車。貧兒好作音遊仙做

夢怪事，偏傳小說家。事出虞古道蹇驢多，北向空庭秋

金史四十八卷之三十一
卷二十一
日又西斜人間官賤黃金貴乞與燒成九轉砂

邯鄲懷古三首

口舌相如位上卿從教趙括喜談兵壁歸間道雖難奪
師出長平已被坑唇齒連衡如有約虎狼縱暴本無名
淒涼蔓草荒烟地民命無如戰國輕

美人一笑原無罪不殺難邀好士名趙勝何曾識毛遂
信陵差解重侯贏符來袖裏圍方解錐脫囊中事竟成
碌碌因人嗤若輩也如跛客強隨行

北道何期得鄧晨信都南望尚迷津羣情正是思劉日
假號先歸賣卜人計定一軍終拔趙怨深三戶必亡秦
不妨暫作逡巡避龍準諸孫自有真

自杜店至磁州與霜巖並馬行

一天風露野田秋曉路熹微辨馬頭槐柳陰中辭杜店
芰荷香裏到磁州雞鳴巷陌烟初起鷺立陂塘水慢流
過此頓忘身是客與君題壁紀清遊

渡漳河

夜聽邯鄲趙女歌
起乘殘醉渡漳河
天垂曠野名都壯
路入中原戰壘多
細雨一蟬高岸柳
西風匹馬故宮禾
灰飛瓦解尋常事
誰管繁華委逝波

曹操疑塚

分香賣履獨傷神
歌吹聲中總帳陳
到底不知埋骨地
却教臺上望何人

鄴中咏古四首

洹水清流見麗譙
鄴中氣象太蕭條
詞華不過誇三國

人物誰能算北朝冰井臺荒秋瑟瑟香姜閣廢雨飄飄

齊磚魏瓦人爭托想見當年土木妖

魏銅雀瓦色青內平印工人姓名皆

八分書以為硯貯水數日不滲齊起鄴南城磚瓦皆以胡桃油油之當油處有細紋曰琴紋有白花曰錫花古碑大者方四尺上有盤花鳥獸紋千秋萬歲字其紀年非天保則興和又有磚筒承簷溜者花紋年號皆同內圓外方亦可為硯按王荆公詩云陶甄往往成今手尚托虛名動後人則真品在宋時已不可得

自從僭竊起當塗虎視中原氣總粗大抵奸雄皆好亂
居然割據亦稱都車中不少彈箏客案上頻繙聚米圖
十二渠成流澤遠至今土壤號膏腴

林慮

平聲

山色尚蒼蒼太尉登朝事可傷豈有公孤能翊

漢早知廢立總由梁勢成刻兔驕三輔禍始金蛇恨永
昌慚媿上書收葬吏猶傳郭亮配楊匡

錦衣別築相州堂使節移來自武康公獨勤勞兼將相
誰能事業更文章威名要取雄殊域宦跡何嫌避故鄉
碑版兩朝尊顧命豈徒一記重歐陽

湯陰縣北村家

烟際露茅茨田家正午炊
韭花秋逞味棗實晚垂枝
放

積青蕪岸漚麻綠水池地偏稀客過籬落有人窺

入大名界紀冰雹之異

朝行渡黎陽四望如絕徼又如入霜野慘澹初經燒古
墓多白楊連根拔當道棗梨盡僵仆墜實滿泥淖村中
禾黍空天半烏鷺叫客心慘不樂經眼非意料道逢白
髮人下馬亟慰勞為言前七日陰氣變晴昊疾風西北
來電雷乃前導須臾大雨雹奮擊恣凌暴為拳為芋魁
所向等飛礮居民屋瓦裂填塞及井竈行者不及防人

傷馬傾倒澹南滑之北廿里陷冰窖草木生其中焦原
同一燎含悽問隣舍旁有豐年稻邑長豈不知遠巡莫
以告我為田父語天變非人造不聞平陽城一震跡如
掃殭尸十萬戶蔽野復誰弔朝廷憫災傷大下乞言詔
公卿滿臺閣相視無寸效被禍爾猶輕區區胡足較

滑縣

停鞭小立聽潺湲魏滑分河在此間

自洛以東百水皆
會於此唐沈亞之

有魏滑
分河錄

樹杪帆檣瓠子渡城西風雨大伾山野無秋草

年仍歎地近朝歌俗尚頑誰與牛羊典芻牧未應蒿目
委時艱

長垣道上戲示霜巖

前行忽引朱衣吏夾道爭看擁似蜂却笑相如緣底事
也隨車騎走臨邛

從蘭陽渡黃河入大梁境

馬頭半月看烟鬟行過燕關漸軼關今日中流回首望
黃河截斷太行山

閱陳留縣志雜題十絕句補其所不載

幡然臺外野雲黃，畎畝餘風重此鄉。不解後人偏好誕

每從田叟問空桑

伊尹生空桑語
出呂氏春秋

漢祖初來厭監儒，監門長揖互挪揄。入關全賴教倉粟

計出高陽一酒徒

酈食其陳留高陽人今
縣有高陽堡卽其故里

割肉恢諧父老旁，千秋銘記有中郎。羨他社宰封侯地

不改當初戶牖鄉

蔡邕索昏庫上里社銘云惟斯庫里
古陽武戶牖鄉陳平由此社宰佐高

帝定天下按史平

初封戶牖侯故云

殺鷄自作高堂饌草具何妨對客供一飯成名真有幸
天教季偉遇林宗

伯喈本意欲東奔失計何人與訟寃畢竟殺身緣一嘆
九原應悔出私門

分茅幾姓列王侯古郡相傳屬此州若以報施論漢魏

後先七國兩陳留

漢獻帝從陳留王入承大統
曹奐為司馬所廢封陳留王

假道穿渠到小黃

五代通錄李珣曰河南有外黃下黃
漢書地理志陳留有外黃小黃縣五

代史改小黃
為下黃訛矣

赤松祠下月茫茫
鑄池遺壁今還壁氣盡

人間十二郎

事見大業開河記

北狩蒼黃宋兩君徵兵諸路笑紛紛平時誰畫元豐策

輕汰畿東捧日軍

宋都汴陳留為畿輔要地舊設天武捧日等軍元豐中有詔裁減故靖康

之禍近無聲援

養士恩深三百年倒戈迎賊怪爭先殘黎及記滄桑錄

死事人稀一尉傳

崇禎辛巳十二月賊由襄鄧北來汴南州縣望風迎降陳留署令臬庸才

也不知所措典史邵大濟秦中人竭力拒守城陷不屈全家投井死

濁浪高於師曠城

見陳留風俗傳

人隨廬舍盡東傾至今雨濕

天陰候過客猶聞鬼哭聲

崇禎壬午決朱家寨水入大梁浸淫及於陳留城內外水

深丈餘屋宇盡

沒邑無居人

桐城王方日為亡友蔣度臣刻詩集於汴中後
列同學姓名余兄弟與焉度臣之歿宜有哀辭
宿草之哭亦情所不能已也二首

不是無家奈別離蓋棺事了始歸期
半生好客皆情累一第成名亦數奇
篋底有金貧肯惜人間無路老方知
最憐湖海元龍氣收拾光芒入小詩

迴思腹痛平生語謬托知音撫絕絃長恐雲烟隨散滅
忽驚珠玉已流傳九原可作應相慰同調無多又自憐
不覺餘哀生感激為君展卷一潸然

和霜巖縣齋秋雨八首

陳留井邑荒風俗尚淳古官舍雜民居蕭蕭一環堵移
牀避屋漏正值秋來雨秋雨有時晴茅茨亦易補乘時
無鉅細百廢在一舉

許子天下才卑棲屈茲土到官已十日坐看魚生釜雖

稀傳事柳尚打排衙鼓我來況無事小住因賢主只合
向空齋攤書聽涼雨

昨日牒文來歡聲滿城郭黃河一丈減秋水漸歸壑回
頭梁宋郊禾黍正可穫豈有溝澮盈決防助流惡野人
殊過計倚杖候乾鵲

荒庭無竹樹草上墻頭生誰知一穴穿已帶秋蟲聲老
夫方隱几鼻息如雷鳴雨點忽到牕颯然歸夢驚此中
有佳句夢斷詩未成

我友趙十郎索居廩延城

趙子晦時宰延津去此二百餘里

河壩一小

邑長吏管送迎我思往相就所畏泥中行乃知行路難

中有躑躅情

殘暑去遠巡蠅聲猶未歇蒼蠅何足云壁有鉤尾蠍孤

燈明復暗被螫或倉卒土產多毒人吁嗟慎膚髮

陳留土產全

蠍故云

河流去城遠掘井不破塊常時瓢飲難汲自十里外官

庖惜民力水厄亦有戒天漿忽傾盆餘澤走滂沛瓶罍

既滿貯茶味即沆瀣絕勝調水符勞心防狡獪

木榻乘秋陰徽蒸入布被解衣背粘席轉輾出奇計
蕈著瓦盆濛濛透霧氣苦遭烟炙眼脚免體被漬身居
燥濕間那得兩遂意

中秋喜晴

連晨苦雨悵淹留地近梁園客勸游夢裏無花誰勸酒
天邊得月且登樓城圍老柳吹笳夕露灑寒蟬擊檝秋
却記去年今夜會滿堂絲竹醉湖州

憶去年風
晨堂之集

夸門行

秦師圍邯鄲城趙人乞援如乞盟信陵重以姻婭故
坐視不救非人情三千私客赴急難致死一戰猶堪爭
今者無端傾國出不以君命俄專征宮中符竊嬖倖手
間外力奪將軍兵鐵椎碎首彼何罪汝自徼幸貪功成
誰為此策大紕繆公子幾陷無君名生平下士頗折節
慚媿虛左親相迎私恩不負負大義二者較量孰重輕
先王正道日陵替術士詭計方縱橫不聞死事憫晉鄙

但見好客誇侯嬴，史遷本意喜任俠。公論久掩吾不平，
千秋事往一感歎。弔古聊作夸門行。

汴梁雜詩八首

土岡起伏向平蕪，蒼麥花開似雪鋪。舊日樓臺埋井底，
秋來風雨暗城隅。枚作客虛詞筆高，李論交剩酒壚。
少陵與李供奉，高常侍同時客。遊梁宋間，故其昔遊詩。
有往與高李輩論交入酒壚之句。今城東南有三賢祠。
莫怪遊梁無一事，已將名姓混屠沽。

鞏洛東來地勢窪，一條清汴走長蛇。霸圖難畫鴻溝界。

恨事空推博浪沙

博浪城在府北

衰草平原秋放牧西風古堞

暮棲鴉靈光一寺巍然在

大相國寺踞地最高壬午之禍獨不為沙土所埋汴中樓

閣存者惟此而已

留取伽藍記夢華

削除七國獨存梁愛弟終因母后妨禁網初寬到賓客
人才一變起詞章平臺築後門常闢東苑成來志稍荒
但取虛懷能下士豪華原不累賢王

梁

宋趙

遺墟指汴京紛紛代禪事何輕也知光義難

為弟不及朱三尚有兄將帥權傾皆易姓英雄時至適

成名千秋疑案陳橋驛一著黃袍遂罷兵

歲幣輸來不計緡無端齒冷為亡唇偷生虎穴甘南渡
忍死牛車痛北巡翻覆兩家天假手興衰一劫局更新
幽蘭堂畔誰相惜只有從亡十九人

勝國分藩本屬周承平樂事數樊樓星連北極雄繁會
地是中原沃衍州樂府新聲翻百闋書堂名蹟勒雙鉤
最憐禍較江陵烈河伯摧殘甚鬱攸

螳穴將穿積勢成洪流直灌大梁城運移天險翻資盜

禍起庸夫好論兵

明季流賊圍汴推官黃澍倡議決朱家寨水以灌賊營賊覺而遠避開封

翻成巨浸矣

不信龍蛇皆沴氣可憐魚鼈盡蒼生
滄桑變後

秦灰黑誰見黃河十里清

新標禹廟鎮河濱師曠臺邊迹已陳

吹臺今更名禹王臺

獨向蒼

茫時極目誰當搖落不傷神
空倉雀鼠千村賦故壘牛羊四戰塵
老傍人間多閱歷漸無閒淚可沾巾

宋門別陳叔毅二首

同作大梁客情因去住殊

時叔毅舉家客汴城

累君為地主餞我

多鬚
赴歸途對酒狂猶昔謀身老漸迂未妨吟思苦頷下賴

全家猶旅食別路阻清遊

相約同登吹臺為雨阻

近約尚難必歸

期可自由貯愁聽舊事挈涕灑神州

令伯元清先生崇禎末為開封司理

莫作長流落風塵易白頭

陳留後圃習射示孫周人許繭為

縣齋秋日長兀坐愁面壁異書如荊州欲借那易得後園有棄地糞壤經馬櫪泓然見清池老眼喜一滌初看

剪蓬艾次第拾瓦礫朝來箭道成百步盡所歷兩生頗
好事飯罷走相覓邀我日同來分朋控鳴鏑雖無皮畫
鵠縛草聊代的引滿試射之於中寓考績浮情或倖中
詭遇本無適古人一技精往往互抵激勿徒視遊戲儼
若對強敵我昔方盛年從軍曾草檄風前鵝鷓叫頭上
飛霹靂蹉跎萬念乖漸怕矛頭浙力衰安可強衆醜供
指摘自笑諒無成習勞猶運甃子今心膽壯作此太寂
寂斯言可類推凡百慎剖析

朱仙鎮岳忠武祠

平生感憤興亡際，往往無端供裂眦。晉之懷愍宋徽欽，
失國偷生本同類。兩家子弟又庸下，南渡誰論復仇義。
千秋乃有岳將軍，欲雪斯慚出奮臂。曾經讀史浮大白，
況到提戈用武地。一條衣帶指黃河，倒捲狂瀾作餘勢。
當時大業已垂成，談笑收京俄頃事。乞和語出金人口，
二帝歸如反掌易。南內何妨奉上皇，中原未必虛神器。
可憐計算不出此，奸相逢君有深意。朝廷不要兩宮還，

那許疆場壞和議乾坤震蕩功百戰性命風波獄三字
湯陰故里虎林墳幾處經過頻洒淚豈如此地更悲涼
血裹征袍等閒棄二百年來崇廟貌祠創于成化戊戌兩行檜
柏干霄翠北風怒吼白日昏猶有英雄不平氣

與王方日

姚生寓舍晨排闥一笑驚君起著衣

余初識君於同年姚別峯寓中

半

面相逢雖草草兩心經別自依依倦游客況秋風冷末
路交情酒伴稀不料尚邀公子顧累他紅粉避燈輝

日方

夜過余寓適有女郎在座聞
公子至避匿不出故戲及之

汴中遇蔡遠士次韻留別三首

與君小小生同里
嬾蔡知名二十年
今日汴中初識面
鬢絲秋老菊花天

買蟹宵來倒客囊

汴城無水味蟹尤難致
一枚例索錢五十文

一燈相對話

蒼涼舊京風物吾猶記
宋嫂魚羹薛嫂羊

馬嘶門巷客將還
殘醉扶頭改別顏
多感故人相送意

畧煩秦女唱陽關

時有秦
姬在座

韓岡送同年張逸峯之安慶

去年下第傷坎坷君館髯姜

西溟

兼容我順風三日不張

帆綠水名園停畫舸一攀楊柳辭春陌雨見榆槐更歲

火那知此地忽相逢客裏班荆當道左大梁城東秋野

濶片片飛鴻向空墮夜騎驕馬到韓岡我倚身強君亦

頗人間裙屐胡足道絲吐春蠶自纏裹天津公子氣雄

豪長劍短衣無不可近聞西陲方有事廟算行將啟邊

鎖

時閱邸抄聞
出師之報

吾曹猥以不羈身五寸垂綫等遊惰君

依官舍獲侍奉

時逸峯隨尊甫謁
察公赴任安徽

我赴歸期尚難果殘

樽相屬且勿辭黃花正綻霜前朶

重陽日接胡茨村觀察書及見寄二律次韻奉

答

含語相逢兩未申匆匆悔作渡河人敢期交臂心相許
及捧來書意果真白雪愛吟千遍熟黃花催換一番新
眼前事事俱難料不為傷秋嘆亦頻

一序何當重左思重煩傳語到臨岐

來書屬余作
詩文序故云

可知

投劾休官地未是移床遠客時
九日歸心憐我急十年恨事識君遲
不嫌寂寞遊梁跡
點綴行裝賴好詩

將歸故里留別霜巖三首

百里衝煩邑河流接小黃鄉
程貪漸近官味看初嘗
家本傳儒術名猶在舉場
此情吾諒汝捧檄為高堂

別後寬相憶君才百事能
神明真不忝蘊藉若無憑
世苦需經濟官廉慎愛憎
似聞田父語蓄眼見何曾

四海皆兄弟相關得幾人
不愁官俸薄翻計客囊貧
却

饋非吾矯論交到爾真平生知己意感動豈無神

答趙蒙泉別後見寄之作

趙壹豈窮人文章天下冠成名陷羅網識字召憂患平生師友間慷慨赴急難一機駭初發二事將并案隻手探沸羹孱軀分糜爛欲知氣難奪正賴神不亂戴盆却望天畫地詎宜狂泊乎寃得白重以讒被間幸免輸鬼薪誰堪讀城旦先生鮮穉怒一笑春冰泮脫身桔橈中去國等流竄疲驢入京洛旅食年頻換囊中綠綺琴焦

尾實經囊知音世不乏聽者每三歎捷徑有爭先陳人
尚魚貫空持魯褒論孰下干木判遇我夙懷傾招呼詩
酒伴貧交無強合失意多聚散老淚落河橋離愁渺雲
漢殘秋滯梁宋仰視南飛鴈寄我別來詩開函一腸斷
君心人盡諒蹤跡聊羈絆出語忌孤高時情伺譏訕

留別吳梅梁表兄

幾日重陽雨雨晴天忽寒北風醒別酒落葉打征鞍不
計授衣晚欲為分袂難他鄉老兄弟情到勸加餐

大風晚至杞縣訪李明府不值

沙土晚濛濛孤城萬木中
氣吞平野日聲壯渡河風結
伴隨陽鳥離程極轉蓬不須煩地主
旅食報年豐

歸德道中二首

海鴈橋邊路向東
霜消日氣午怡融
木棉吐子如脂白
野柿垂條似火紅
驢背人簪雙鬢菊
牛蹄塵漲四輪風
旗亭一醉誰同伴
獨把吟鞭過宋中

寒烟衰草入疎蕪
睢水流同戰血枯
他日江淮論保障

至今祠廟具規模城連耗土秋多鼠樹倚神叢社少狐
惆悵繁臺歌管歇角聲吹落孝王都

商丘周宜菴明府貽牡丹名種戲成四絕句

戚里名園結構新千株遠致洛中春

燕中苑圃爭購此
花今秋北去者以

商丘一縣計之
已至一千本

多情誰似河陽宰留取名花贈野人

珍重新寒九月初歸程作伴太憐渠渡江船上人爭看
桃葉桃根恐不如

瓦礫堆墻老圃家燒餘一片變桑麻問余臺榭今何處

也要移栽富貴花

包裹泥封護本根
隔年分種自梁園
得歸且作看花想
未必花時穩閉門

永城縣陳太丘祠

賢人處末流
德器務廣大
先生得此意
名不黨籍挂庸
夫取同塵
君子重遠害
偶然出從政
初不計殿最
曾為茲邑長
治道去其太
豈必赫赫名
當前互驚怪
到今有餘慕
俎豆禮無殺
我來謁公祠
下馬肅瞻拜
題詩警俗

吏似為求名戒不見道旁碑去官碑輒壞

望碭山

萬乘東南巡本厭天子氣匹夫迺心動走向此中避雲
氣隨真龍人誰跡劉季可憐秦皇愚不及呂后智英雄
論成敗孰者意料事秋色中原來蒼然入淮泗蜿蜒忽
橫亘一束千里勢豐沛袒右肩濠梁舒左臂古來雜王
霸要豈山所致吾將訴真宰鏟爾作平地山色如死灰
嗚呼識天意

南宿州即事

符離城外騎驢女愛著紅裙愛插花十里迴車無避處
不辭相送到村家

汴中無魚今日至固鎮盤餐得此余方以為喜
座有晉人乃至廢食云吾土有客水鄉者所親
必相戒勿食魚恐傷骨鯁也南北嗜好之不同
如此

各有鄉風雨不知區區口腹莫相疑看他葱薤堆盤處

是我攢眉廢箸時

臨淮曉渡飯於逆旅述老人所言

人影動浮橋清流繞淮甸月光水面澹初日烟中見中
都地脈連風物南方變城灣鵝鴨鬧客飯魚鱗便逆旅
八十翁自云本武弁前朝守陵戶賦役除本縣自從喪
亂來瓦落奉先殿天家王氣盡凍餓甘衰賤誓死不去
鄉依依豈他戀曾供灑掃職麥飯每私薦孟冬時享近
又欲往營莫言罷竟出門回頭淚如霰

過鳳陽城外二首

帳下居然識帝王，千秋閭墓表滁陽。
時來將相皆同里，淚落英雄有故鄉。
芒碭天青雲氣散，江淮月白水聲涼。
龍蛇變滅須臾事，猶指山名號鳳皇。

元老還朝起廢臣

宜興再相起馬士
英為鳳陽總督

二陵收氣避黃巾

忽聞淮泗聲援地，已奉邯鄲假號人。
南渡半年輸弱晉，西來羣盜甚符秦。
青絲白馬他年恨，草木餘威在壽春。

池河驛

古驛通橋水一灣數家烟火出榛管人過濠上初逢雁
地近滁州飽看山小店青帘疎雨後遙村紅樹夕陽間
跨鞍便作匆匆去誰信孤蹤是倦還

度磨盤山滁濠分界處

只在羊腸鳥道間不知行過兩州山千家大柳烟中驛
一綫清流井底闕樵斧樹稀行客倦茅亭茶熟老僧閒
路難馬力尤須惜莫遣鞭多比石頑

清流闕

低迷野氣中路斷遇崖嶮陡然拔千丈直上非由漸行
子中州來巖關此為險其西道尤惡石滑破馬膽步行
到關門一往生勇敢長風捲林薄敗葉撒雨點豁達眼
界開晶瑩日光閃少休得古寺徐使神氣斂想當割據
初外戶晝長揜寧知暉鳳擒猿鳥就籠檻邇來幾易代
地僻設防減僧房同啟閉鎖鑰誰復檢經過亦偶然形
勝窮一覽

滁州

岡迴樹轉到城遙
甃石纔通路一條
細水流應落西澗

韋左司有滌州西澗詩

好山青不盡
南譙名賢出守曾
相繼異姓

封王又一朝
爭說此邦風土好
至今生計穩漁樵

舟發六合

馬煩車殆歷間關
轉愛江程一日閒
吳女布帆十二幅
畫船頭尾載花還

大霧自儀真曉至京口

斗柄插秋江
夜行指西東
五更乍迷道
水氣昏霾霧小

舟一葦如漂蕩雲海中焉能辨咫尺所向疑皆窮何物
導我前羣飛賴南鴻稍知京口近忽報金山鐘旭日出
未高半天已先紅須臾掃無跡一望東南空但見旗脚
舒平流起微風畏途付噩夢回首猶忡忡

關吏行

大農按籍加關稅小吏機乘搜瑣細吳中支港夜不行
水柵村橋晨尚閉歸人癡絕良可歎枯蒲帶土包牡丹
壓馱馱增驟價貴入船船重關津難有情對雨應惆悵

近日花網多北上獨攜此本到江南莫怪挪撤兩相向
舟中紀事

十月之交冬令行雷宜收聲乃發聲嬰兒晝啼天女笑
羣蟄啟戶魚龍驚初聞吳中夏大水萬頃平疇長蒲葦
又聞蔚州七月霜盡殺稷菽秋無糧雖云地氣異南北
何至天道違陰陽野人未敢窺天意目擊口傳非一事
他年誰考五行書五行志災不志瑞

雨中發常熟回望虞山

錢生

王友

約看吾谷楓輕裝短櫂來匆匆夕陽城西嵐氣

紫正值萬樹交青紅天工似嫌秋太濃變態一洗歸空

濛湖波蒸雲作朝雨用意不在丹黃中大癡歿後無傳

派此段溪山復誰畫老夫新句亦平平要與詩家除粉

繪

吳江田家行

高田去水一尺許低田下濕流沮如半扉潦退尚留痕
兩足泥深難覓路土牆頽榻茅屋倒時見牽船岸上住

家家網得太湖魚，米少魚多無換處。
朝廷聞下寬大詔，今歲江南免田賦。
野老猶供計畝租，官倉自貸輸糧戶。
田家田家爾最苦，有鐵何煩鑄農具。
半生衣食在江湖，賣犢揚帆從此去。

敬業堂詩集卷二十